

## Piedra

---

**Nos ta biba den un kultura di reglament'i kuenta. Esaki ta pa motibu ku mundu a bira moldiabel. Kalamidatnan tabata sosodé ku nos den pasado. Momentu ku tempestatnan presentá, nos tabata somentá. Nos tabata warda trankil asina te ora kosnan bolbe drecha. Aworaki no mas. Si algu ke djis gaña bai fo'i òrdu, e ora ei ta un hende a hasi algu robes. Reglament'i kuenta mester tuma lugá.**

Den esaki nos no ta gusta wak nos mes. Nos ta preferá di wak un otro hende. Esaki ta konta riba skal chikí, pero riba skal grandi tambe. Den un epidemia, ta outoridat- i médikonan a faya. Si un Stint resultá bou di un trein, ta diseño di e Stint no ta sirbi. Empresa fayit. Es ku ta sufri di malesa, a neglighá su mes. Si kosnan ta bai malu finansieramente, ta gobièrnu a faya e ora ei. Nan mester a intervení mas promé!

Mundu no solamente a bira mas moldiabel aparentemente, pero spesialmente basta mas menasante tambe. Den governance di un empresa, kosnan no ta otro. Nos ta rondoná pa hinter un ehérsito di kontroladó. Esaki ta varia di e accountant interno te e compliance officer i di e hunta di komisario te e accountant eksterno i e reguladó. Nan supervishon ta pas den un skema di sistema i regla. Hurista- i accountantnan a inventá vários miles di esakinan i bo mester kumpli ku tur. Ta imposibel pa sa nan tur. Komprondé nan tur ta trabou irealisabel mes mes. Si bo no sigui e reglanan ei, ta regla kuenta ku bo tòg, no solamente hurídikamente, pero tambe en realidat, via bo reputashon. Aktualmente, pero sigur den un futuro serkano, lo bai opservá i registrá elektrónikamente tur loke ta desviá di loke ta supos di ta òf loke mester ta, 24/7. Tur kos ta riba internet. No por elimin'é. Bo pasado a bira bo bida largu. Antesnan ayá bo pasado tabata tuma lugá den privasidat di bo alma. Sea bo tabata dil kuné i sigui ku bo bida òf nò. Awendia bo pasado ta públiko i pa semper. Kada persona ku su selular, a para bira un prostituta di su propio eksistensia. Bo por haña esaki bon òf malu, e ta un *fact of life*.

Kon bo ta dil ku esaki komo komisario? Naturalmente e pregunta akí tin diferente ángulo di entrada: kon bo ta duna kontenido na bo supervishon i kon bo ta responsabilisá bo mes pa ku esaki? Kiko bo ta ferwagt di responsabilisashon di bo direktiva? Responsabilisashon i reglament'i kuenta ta inseparablemente konektá manera un ohochi siames. Sinembargo, nan no ta meskos. Reglament'i kuenta ta e variante pervertí di responsabilisashon. Entre responsabilisashon i reglament'i kuenta tin hinter un spektro di forman di supervishon. Komisarionan mester ta hopi bon konsiente den ki parti di e spektro nan supervishon riba direktiva ta tuma lugá. Komo komisario, bo ta dirigí bo mes riba frankesa i splikashon òf yùist riba reglament'i kuenta? Evaluá ta algu otro for di husga. Opservá i reflehá ta mas funshonal ku menasá i parti wanta.

---

Ta mas fásil pa bisa esaki ku pa hasié. Medionan sosial a aselerá e inklinashon pa regla kuenta fuertemente. Djaleu accountability komo palabra ta pone hende pensa un tiki ainda riba un accountant. Un ten, esaki tabata un hòmer seku ku ta pèrdè kabei, ku brel i pòtlot. Awor no mas. E accountant ei a disparsé. Na lugá djesei a bin un hòmer ku un zeis. Awendia no ta bai pa sifra mas, sino pa mantenshon di imágen. Den Economist di 13 di desèmber 2018 a sali un artíkulo ('Time-tested ways of holding business to account are crumbling'), kaminda ta analisá kon mundialmente públiko su atenshon pa empresanan a skùif di área finansiero pa área reputashonal. Financials are out, reputation care is in. Un desaroyo hopi peligroso. Ta esaki ta nos realidat awendia. Es ku ta sin piká, tira e promé piedra.



[Frank Kunneman](#)  
VanEps Kunneman VanDoorne  
Attorney at law | Partner

T +5999 461 3400 ext. 254  
E [kunneman@vandoorne.com](mailto:kunneman@vandoorne.com)

---